



ინფორმირებულობა და ხელმისაწვდომობა ¹


მოკლე შეჯამება

ქალთა ფონდი „სოხუმის“ მიერ 2024 წლის მარტი-მაისის პერიოდში „ქალთა მიმართ ძალადობის რისკების ინდიკატორის“ შესწავლის მიზნით განხორციელებული კვლევის ფარგლებში 10 სამიზნე მუნიციპალიტეტში - ზუგდიდი, წალენჯიხა, სენაკი, წყალტუბო, ხონი, ქუთაისი, ბაღდათი, ჩოხატაური სამტრედიის, ქობულეთი - რაოდენობრივი კვლევის მეთოდით გამოიკითხა 1027 რესპონდენტი (ქალი).

ძალადობის ფაქტების, ძალადობის რისკების იდენტიფიცირებისა და მათი რაოდენობის და გავლენის შემცირებისათვის მნიშვნელოვანი როლი აქვს ძალადობის მსხვერპლთა მხარდაჭერის სერვისების გამოყენებას. ამისათვის აღნიშნული სერვისები უნდა იყოს ადვილად ხელმისაწვდომი და მოსახლეობა მათ შესახებ - ფართოდ ინფორმირებული. კვლევამ აჩვენა, რომ ამ ორი მიმართულებით არსებობს ხარვეზები, რაც მოითხოვს არსებული მხარდაჭერის სერვისების შესახებ საზოგადოების ინფორმირებულობისა და ცნობიერების ამაღლებას და მომსახურებებზე ხელმისაწვდომობის (მათ შორის - გეოგრაფიული) გაზრდას.


დიაგრამა №1

გაქვთ თუ არა ინფორმაცია სერვისების შესახებ?




დიაგრამა №2

რამდენად ხელმისაწვდომია მხარდაჭერის სერვისები?



დიაგრამა №3

ძალადობის მსხვერპლთა მხარდაჭერის რომელ სერვისს იცნობთ ყველაზე კარგად?




მიგნებები

- ძალადობის მსხვერპლთა მხარდაჭერის სერვისების შესახებ არაინფორმირებულ/ნაკლებად ინფორმირებულ ქალთა მაჩვენებელი თითქმის იდენტურია 2023 (დაახლ. 38%); და 2024 წლებში (დაახლ. 39%); რესპონდენტთა უმრავლესობა (2024 წ. 43%) იცნობს მხოლოდ რამდენიმე სერვისს;
- ძალადობის მსხვერპლთა მხარდაჭერის სერვისებიდან ქალები ყველაზე კარგად იცნობენ ცალსახად ორ სერვისს: სახელმწიფო თავშესაფრები (შემთხვევათა 46.3%) და სახელმწიფო იურიდიული სამსახურები (შემთხვევათა 37.1%). მესამე ადგილზე დასახელდა არასამთავრობო ორგანიზაციები და ცხელი ხაზი (116 006) (შემთხვევათა დაახლ 30%);
- 2023 წლის ტენდენცია არ შეცვლილა ძალადობის მსხვერპლთა მხარდაჭერის სერვისების შესახებ ინფორმირების წყაროს განსაზღვრისას არც 2024 წელს: მხარდაჭერის სერვისების შესახებ ინფორმაციის გავრცელების თვალსაზრისით მნიშვნელოვანია არასამთავრობო ორგანიზაციების როლი (შემთხ. 63.3% (2023); შემთხ. 59% (2024)) და სოციალური ქსელები (შემთხ. 57.5% (2023); შემთხ. 48.1% (2024)); ინფორმაციას არსებული მომსახურებების შესახებ ქალები ყველაზე ნაკლებად ცენტრალური ხელისუფლების წარმომადგენლებთან შეხვედრებისას იღებენ (შემთხ. 11,7%, 2024 წ.);
- 2023 წ. რესპონდენტი ქალების ნახევარზე მეტი (55%) მიუთითებდა ძალადობის მსხვერპლთა მხარდაჭერის სერვისების ნაკლებად ან სრულად არახელმისაწვდომობას; 2024 წ. ოდნავ შემცირდა მათი რაოდენობა და შეადგენს 46.1%-ს;
- სერვისებისადმი ხელმისაწვდომობის შემაფერხებელ მიზეზებს შორის 2024 წელს ცალსახად გამოიკვეთა სამი: შეზღუდული და არაადეკვატური სატრანსპორტო ინფრასტრუქტურა (26.4%), ხელმისაწვდომი სერვისების შესახებ ინფორმაციის ნაკლებობა და არაკვალიფიციური/უხარისხო მომსახურება (დაახლ. 25%).


დიაგრამა №4

გაქვთ თუ არა ინფორმაცია ძალადობის მსხვერპლთა მხარდაჭერის სერვისების შესახებ?



დიაგრამა №5

რა აფერხებს თქვენს არეალში სერვისებისადმი ხელმისაწვდომობას?



რეკომენდაციები

საინფორმაციო კამპანიები არსებული სერვისების შესახებ

- ძალადობის მსხვერპლთა დახმარების შესახებ მოსახლეობის მეტი ინტენსივობით ინფორმირება (მაგ: შეხვედრები, ინდივიდუალური საუბრები, საინფორმაციო კამპანიის წარმოება სოციალური ქსელებით, ფლაერების/ბუკლეტების საშუალებით და ა.შ.);
- ინფორმაციის სხვადასხვა გზით გავრცელების შედეგად, ბენეფიციარების დაფარვის არეალის გაფართოება - მეტი ბენეფიციარის მოზიდვა;
- ქალთა მიმართ ძალადობის საკითხებზე პასუხისმგებელი რეფერირების სუბიექტების, მათ შორის ექიმების, პედაგოგების, პოლიციის, სოციალური მუშაკების მეტი ინფორმირება ოჯახში/ქალთა მიმართ ძალადობის არსებულ სერვისებზე (მუნიციპალური, არასამთავრობო სერვისები) და მათი დახმარებით ინფორმაციის ფართოდ გავრცელება მოსახლეობაში.

სერვისების ხარისხის გაზრდა

- არსებული ბენეფიციარების საჭიროებათა კვლევის განხორციელება. უკუკავშირის მიღების შემდეგ, პროგრამების და დახმარებების ძალადობაგამოვლილი ქალების საჭიროებებზე მაქსიმალურად მორგება;
- არასამთავრობო ორგანიზაციების მიერ განხორციელებული ძალადობის მსხვერპლთა დახმარების შესახებ მეტი ინფორმაციის მიწოდება მოსახლეობისთვის, განსაკუთრებით მოწყვლადი ოჯახების წარმომადგენლებისთვის;
- არსებული პროგრამების/დახმარებების მონიტორინგის და შეფასების უზრუნველყოფა, მათ შორის ბენეფიციარების კმაყოფილების დონის გაზომვა და მხარდაჭერის სერვისების შესაბამისად გაუმჯობესება.

სერვისების ხელმისაწვდომობის გაზრდა

- ძალადობის მსხვერპლთა დახმარების პროგრამების ხელმისაწვდომობის გაზრდა (როგორც ფინანსური, ასევე გეოგრაფიული თვალსაზრისით);
- მოწყვლადი კატეგორიის ქალებისა და მათი შვილებისათვის ისეთი სქემის შემუშავება, რომელიც მხარდაჭერის სერვისების მისაღებად მობილობის შეზღუდვის პრობლემას გადაჭრის.



STOP

ქალთა მიმართ
ძალადობა!